

妙法蓮華經。常不輕菩薩
品。第二十
爾時仏告。得大勢菩薩摩
訶薩。汝今當知。若比丘。
比丘尼。優婆塞。優婆夷。
持法華經者。若有惡口。
罵詈誹謗。獲大罪報。如
前所說。其所得功德。如
向所說。眼耳鼻舌身意清
淨。得大勢。乃往古昔。
過無量無邊。不可思議。

阿僧祇劫。有仏名威音王。
如來。心供。正徧知。明
行足。善逝。世間解。無
上士。調御丈夫。天人師。
仏。世尊。劫名離衰。因
名大成。其威音王仏。於
彼世中。為天人阿修羅說
法。為求聲聞者。說心四
諦法。度生老病死。究竟
涅槃。為求辟支仏者。說
心十二因緣法。為諸菩薩。

因阿耨多羅三藐三菩提。說卮六波羅蜜法。究竟仏慧。得大勢。是威音王仏。壽四十万億那由佗。恒河沙劫。正法住世劫數。如一閻浮提微塵。像法住世劫數。如四天下微塵。其仏饒益衆生已。然後滅度。正法。像法。滅盡之後。於此国土。復有仏出。亦号威音王。如來。卮供。

正徧知。明行足。善逝。
世間解。無上士。調御丈
夫。天人師。仏。世尊。
如是次第。有二万億仏。
皆同一号。最初威音王如
來。既已滅度。正法滅後。
於像法中。增上慢比丘。
有大勢力。爾時有一菩薩
比丘。名常不輕。得大勢。
以何因緣。名常不輕。是
比丘凡有所見。若比丘。

比丘尼。優婆塞。優婆夷。皆悉禮拜讚歎。而作是言。我深敬汝等。不敢輕慢。所以者何。汝等皆行菩薩道。當得作佛。而是比丘。不專讀誦經典。但行禮拜。乃至遠見四眾。亦復故往。禮拜讚歎。而作是言。我不敢輕於汝等。汝等皆當作佛。故。四眾之中。有生瞋恚。心不淨者。惡口罵

詈言。是無智比丘。從何
所來。自言我不輕汝。而
與我等授記。當得作仙。
我等不用。如是虛妄授記。
如此經歷多年。常被罵詈。
不生瞋恚。常作是言。汝
當作仙。說是語時。衆人
或以。杖木瓦石。而打擲
之。避走遠住。猶高声唱
言。我不敢輕於汝等。汝
等皆當作仙。以其常作是

語故。增上慢比丘。比丘
尼。優婆塞。優婆夷。号
之為常不輕。是比丘。臨
欲終時。於虛空中。具聞
威音王仙。先所說法華經。
二十千万億偈。悉能受持。
即得如上。眼根清淨。耳
鼻舌身意根清淨。得是六
根清淨已。更增壽命。二
百万億。那由佗歲。広為
人說。是法華經。於時增

上慢四衆。比丘。比丘尼。
優婆塞。優婆夷。輕賤是
人。為作不輕名者。見其
得大神通力。樂說弁力。
大善寂力。聞其所說。皆
信伏隨從。是菩薩。復化
千萬億衆。令住阿耨多羅
三藐三菩提。命終之後。
得值二千億仏。皆号日月
燈明。於其法中。說是法
華經。以是因緣。復值二

千億仏。同号雲自在燈王。
於此諸仏法中。受持誦誦。
為諸四衆。說此經典故。
得是常眼清淨。耳鼻舌身
意。諸根清淨。於四衆中
說法。心無所畏。得大勢。
是常不輕菩薩摩訶薩。供
養如是。若干諸仏。恭敬
尊重讚歎。種諸善根。於
後復值。千萬億仏。亦於
諸仏法中。說是經典。功

德成就。當得作仙。得大勢。於意云何。爾時常不輕菩薩。豈異人乎。則我身是。若我於宿世。不受持讀誦此經。為佗人說者。不能疾得。阿耨多羅三藐三菩提。我於先仙所。受持讀誦此經。為人說故。疾得阿耨多羅三藐三菩提。得大勢。彼時四眾。比丘。比丘尼。優婆塞。優婆夷。

以瞋恚意。輕賤我故。二
百億劫。常不值仏。不聞
法。不見僧。千劫於阿鼻
地獄。受大苦惱。畢是罪
已。復遇常不輕菩薩。教
化阿耨多羅三藐三菩提。
得大勢。於汝意云何。爾
時四衆。常輕是菩薩者。
豈異人乎。今此會中。跋
陀婆羅等。五百菩薩。師
子月等。五百比丘。尼思

仙等。五百優婆塞。皆於
阿耨多羅三藐三菩提。不
退轉者是。得大勢。當知
是法華經。大饒益。諸菩
薩摩訶薩。能令至於。阿
耨多羅三藐三菩提。是故
諸菩薩摩訶薩。於如來滅
後。常心受持。讀誦。解
說。書寫是經。爾時世尊。
欲重宣此義。而說偈言
過去有仙 号威音王

神智無量 將導一切
天人龍神 所共供養
是仏滅後 法欲盡時
有一菩薩 名常不輕
時諸四衆 計著於法
不輕菩薩 往到其所
而語之言 我不輕汝
汝等行道 皆當作仏
諸人聞已 輕毀罵詈
不輕菩薩 能忍受之
其罪畢已 臨命終時

得聞此經 六根清淨
神通力故 增益壽命
復為諸人 廣說是經
諸著法眾 皆蒙菩薩
教化成就 令住仙道
不輕命終 值無數仙
說是經故 得無量福
漸具功德 疾成仙道
彼時不輕 則我身是
時四部眾 著法之者
聞不輕言 汝當作仙

以是因緣 值無數仏
此会菩薩 五百之衆
竝及四部 清信士女
今於我前 聽法者是
我於前世 勸是諸人
聽受斯經 第一之法
開示教人 令住涅槃
世世受持 如是經典
億億万劫 至不可議
時乃得聞 是法華經
億億万劫 至不可議

諸仏世尊 時說是經
是故行者 於仏滅後
聞如是經 勿生疑惑
心當一心 広説此經
世世値仏 疾成仏道